

Schnäggeloch

Wet dir scho lang mau öppis säge
es spricht im Grund gno o nüt drgäge
dir z verzeue was i dänke, isch ja würtlech nid verwäge

I steue mir ganz eifach vor
es stöngi mir nüt schwärs bevor
has ja x-mau vor mi häregseit, win es Gedicht trag i dr s vor

**Aber jitz grad won i vor dir stah, gseht aues angersch us und mi
het dr Muet verlah dir z säge, was i wet und i
verchrüüche mi i mim Schnäggeloch, decke mi mit Zwiifu zue
hoffe dr Tag wird cho, da han i de vom Versteckis-Spile gnue**

Zyt vergeit, passiert isch nüt
und i begägne no so viune Lüt
I ha di versuecht z vergässe, ha's probiert doch o no hüt

träit sech aues geng no um di
es isch egau won i grad bi
und langsam wird mir klar, du bisch di Richtigi für mi

**Aber jitz grad won i vor dir stah, gseht aues angersch us und mi
het dr Muet verlah dir z säge, was i wet und i
verchrüüche mi i mim Schnäggeloch, decke mi mit Zwiifu zue
hoffe dr Tag wird cho, da han i de vom Versteckis-Spile gnue**

**Und morn de wen i vor dir stah, gseht aues besser us für mi
I ha dr Muet dir z säge, was i wet und i
chume us mim Schnäggeloch und Texte di chly zue
dr Tag wird cho, morn han i vom Versteckis-Spile gnue**